



Yãmb ned fãa ra wa yeele: m Soab A Wënde, yaaf-ma tɪ F sã n rata, yols maam tɪ F sã n rata, rɪlg maam tɪ F sã n rata. La a sã n na n kos bɪ a kos vëenega, tɪ ad Wënd maanda A sën rate, modgd ka be ne-A ye

Yii a Abu Hurayrat nengë, (Wënd yard be a yĩnga), tɪ yii Nabiyaamã nengë, (Wënd puusg la A tulgr be a yĩnga) yeelame: «Yãmb ned fãa ra wa yeele: m Soab A Wënde, yaaf-ma tɪ F sã n rata, yols maam tɪ F sã n rata, rɪlg maam tɪ F sã n rata. La a sã n na n kos bɪ a kos vëenega, tɪ ad Wënd maanda A sën rate, modgd ka be ne-A ye» «La bee Muslim nengë: la a yeel kosgã vëenega la a zɪsg yë raabã, ad Wënde, bũmb ka be A sën kõt n getë t'a yaa bedre ye».

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Nabiyaamã gudgame (Wënd puusg la A tulgr be a yĩnga) tɪ b ra wa tug n rik kosgã n yaglg ne bũmb ye, baa yaa Wënd raabã, bala yel-kãngã yaa bũmb b sën mi tɪ Wënd ka yaafde rëndame t'A tullame, (A Naam yɪlg yã), rënd tug n maan sart t'A sã n ratã, a ka tar vöör ye, bala sartã maanda ne ned ninga b sën tõe n yeel t'a maanda bũmb ninga a sën ka rate ne modgre, la sën ka yɪ ne rëndã sën yaa yel nins Wënd yɪlg n yi wã (A Naam yɪlg yã) la Nabiyaamã (Wënd puusg la A tulgr be a yĩnga) yaool n vënega yel-kãng hadiisã baasgë, n yeele: modgr ka be ne Wënd ye, wala Wënd me, bũmb sën ka be n yaa bedr ne-A, A sën kôte, A ka yɪ n yaa Kongda, yel ka be n yaa bedr n yud a nugu tɪ b na n wa yeel t'A sã n tull ye. Leb n tug n rik-a n legam ne Wënd sã n tullã, sek-m-meng buud n be beenë n yi Wënd yaafã wã, rënd yet sën yet tɪ "f sã n rat bɪ f kō-m woto", "f sã n rat n na n kō maam woto bɪ f kō-ma", b ka maan yãwã rëndã ned ning sën sek a meng n yi bũmbã, maa yaa ned sën ka tõe, la sã n yaa sën tõe-a n legem ne pakr la tulsem sën be beenë, a sōmbame n yeel a kosgã vëenega, la a kos talg kōsg sën tar pakre ne bũmb ningã a sën kotã, la a lebs a meng Wënd nengë, bala yaa Wënd la Sek-m-meng Soab sën pidi, n tõe bũmbã fãa gilli.

<https://www.sunnah.global/hadeeth/mos/show/5978>

